



Adresa: **Ul. H. Čemerlića 39A**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-2-40-022-9/23**  
Datum: **29.05.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „FORSTER ROHNER” d.o.o. Ilidža za izmjenu rješenja broj: UP-1/21-2-40-022-7/23 od 15.05.2023. godine u smislu promjene vlasništva predmetne parcele, na osnovu člana 262. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

### **R J E Š E N J E** **o vodnoj dozvoli**

1. Mijenja se rješenje ove Agencije broj: UP-1/21-2-40-022-7/23 od 15.05.2023. godine u smislu promjene vlasništva predmetne parcele, tako da u obrazloženju rješenja na stranici 3 pasus 6 umjesto „**obavlja u zakupljenom prostoru pravnog lica „Alternativa” d.o.o. Sarajevo**” treba da stoji:

**„obavlja u vlastitom prostoru sa pravom vlasništva 1/1 Forster Rohner d.o.o. Ilidža”.**

2. U ostalom dijelu rješenje ostaje nepromjenjeno.

### **O b r a z l o ž e n j e**

Pravno lice „FORSTER ROHNER” d.o.o. Ilidža, obratilo se ovoj Agenciji sa zahtjevom broj: 731/23 od 25.05.2023 godine kojim je zatražena izmjena ranije izdatog rješenja ovog organa broj: UP-1/21-2-40-022-7/23 od 15.05.2023. godine, kojim je pravnom licu „FORSTER ROHNER” d.o.o. Ilidža dodijeljeno rješenje o vodnoj saglasnosti za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje postojećeg kvaliteta u postupku izgradnje i rada pogona tekstilne industrije (sektor pranja i bojenja), u ulici Put Famosa 38, općina Ilidža, a iz razloga kako se navodi u zahtjevu da je u obrazloženju rješenja na stranici 3 pasus 6 navedeno da se aktivnost obavlja u zakupljenom prostoru umjesto u vlastitom prostoru.

U prilogu zahtjeva dostavljena je slijedeća dokumentacija:

- Rješenje o vodnoj dozvoli broj: UP-1/21-2-40-022-7/23 od 15.05.2023, izdato od strane «Agencije za vodno područje rijeke Save» Sarajevo-kopija
- Kopija Zemljišnoknjižnog izvadka broj 4260/23 od 16.01.2023 godine, Zk uložka 676 izdatog od strane Općinskog suda u Sarajevu,

U podnesenom zahtjevu se navodi, a što se iz priložene dokumentacije nesporno utvrđuje, da se predmetne parcele nalaze u vlasništvu 1/1 Forster Rohner d.o.o. Ilidža a što nije bilo dostavljeno kao dokaz u postupku izdavanja navedenog rješenja.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98 i 48/99), ovo rješenje djeluje samo za ubuduće.

### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obradivač akta:  
Behija Ahmedić, dipl.inž.tehn.

Po ovlaštenju  
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „FORSTER ROHNER“ d.o.o. Ilidža, Put Famosa 38, Ilidža
- ⊖ Sava, ISV-vodna knjiga
- sektor 40 – arhiva
- sektor 50
- Oglasna ploča